



**CONVENIO ENTRE O CONCELLO DE VIGO E A ENTIDADE FOMENTO DE CENTROS DE ENSEÑANZA S.A (COLEXIO DE FOMENTO MONTECASTELO) QUE HABERÁ DE REXIR A CONCESIÓN DUNHA SUBVENCIÓN A FAVOR DESTA PARA A PARTICIPACIÓN NA ACTIVIDADE DIDÁCTICO-EDUCATIVA “III Torneo First® Lego® League (FLL)” NO ANO 2016.**

Na Casa do Concello de Vigo, a 19 de decembro de dous mil dezaséis

**REUNIDOS**

Dunha parte, o **Alcalde de Vigo, D. Abel Caballero Álvarez**, designado na sesión do Pleno da Corporación do día 13 de xuño de 2015, e que actúa en representación do Concello de acordo aos artigos 124.4 a) da Lei 7/1985, do 2 de abril, de bases de réxime local 7/85 (en diante LRBRL) e o artigo 61.1 a) da Lei 5/1997, do 22 de xullo, de administración local de Galicia (en diante LALGA).

Doutra parte D. José Manuel Rodríguez Lago, representante legal da entidade mercantil **Fomento de Centros de Enseñanza S.A (Colexio Montecastelo)** CIF núm.A 28126597 e enderezo no número 6 da rúa Costa Brava de Madrid.

Ambas as partes recoñécense mutuamente capacidade legal suficiente para subscribir o outorgamento do presente convenio e

**EXPOÑEN**

I.- Que a entidade mercantil Fomento de Centros de Enseñanza S.A (Colexio Montecastelo) é unha institución educativa con implantación na cidade de Vigo dende hai 50 anos, e que desenvolve a súa actividade educativa baixo os principios da excelencia educativa, a implicación dos padres e educación personalizada.

O Centro desenvolve un número importante de actividades no ámbito da formación e investigación: actividades de química en laboratorio, programación de robots, aula de economía ou desenvolvemento de proxectos de física e tecnoloxía para o desenvolvemento sostible .

Unha das actividades nas que participa é o III torneo First® Lego® League (FLL), proposta didáctico-formativa favorable aos intereses municipais en tanto que desenvolve competencias científico-tecnolóxicas clave para a sociedade do coñecemento.

II.- Que a **Alcaldía de Vigo**, coñecedora desas actividades e accións e no exercizo da súa competencia propia que a Lei 7/1985, de 2 de abril, reguladora das Bases de Réxime Local atribúe ás Administracións municipais en materia de promoción da cultura, no seu art 27.2 letras “m”, desexa promover e colaborar economicamente na participación do Colexio Montecastelo na iniciativa didáctica-formativa, “**III Torneo First® Lego® League (FLL)**”, produto educativo internacional que pretende despertar o interese dos xovenes pola ciencia e a tecnoloxía, promoviendo os valores de traballo en equipo, emprendimento, innovación e creatividade, ademáis de descubrir futuras vocacións científico-tecnolóxicas.

III.- O vixente Orzamento Xeral do Concello de Vigo inclúe na aplicación orzamentaria 912.0.489.00.04, Outras subvencións”, crédito para conceder directamente, segundo procedemento establecido no artigo 67 Regulamento da Lei xeral de subvencións, unha subvención por razón de interese público, como é en concreto o fomento da participación en proxectos didáctico-educativos coma o descrito no apartado anterior.

O Concello de vigo considera que a participación do Colexio Montecastelo na iniciativa didáctica-formativa, “**III Torneo First® Lego® League (FLL)**” ten un interese público, cultural e educativo en tanto que desenvolve competencias científico-tecnolóxicas clave para a sociedade do coñecemento.

O Concello de Vigo entende que o desenvolvemento desta iniciativa, e da participación do Colexio, constituí unha boa ferramenta para despertar o interese dos xóvenes pola ciencia e a tecnoloxía.

IV.- Que a entidade mercantil **Fomento de Centros de Enseñanza S.A** (Colexio Montecastelo) non está incurso en prohibición para ser beneficiaria das subvencións obxecto da Lei xeral de subvencións e específica de Galicia, áchase ao corrente das súas





obrigas tributarias e fronte a Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente administrativo tramitado a estes efectos.

V.- Toda vez que, de acordo co disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei 9/2007, de subvencións de Galicia, o convenio será o instrumento habitual para canalizar as subvencións directas, os intervincentes, conclúen o presente convenio ao fin de regular os termos da concesión da devandita subvención con arranxo aos seguintes

### **PACTOS**

Primeiro.- A entidade mercantil **Fomento de Centros de Enseñanza S.A** (Colexio Montecastelo) comprométese a

1º.- Realizar e xustificar a súa participación no proxecto educativo "**III Torneo First® Lego® League (FLL)**" no ano 2016, que figura na documentación do expediente administrativo núm. 14039/101.

2º.- Someterse ás actuacións de comprobación a efectuar polo Concello de Vigo, aportando canta información lle sexa requerida no exercizo destas funcións.

3º.- Adoptar as medidas de difusión previstas no sexto pacto.

Segundo.- **O CONCELLO DE VIGO**, pola súa parte, comprométese a:

1º.- Colaborar coa entidade mercantil **Fomento de Centros de Enseñanza S.A** (Colexio Montecastelo) a tramitación das solicitudes relativas a necesidades propias do Concello para a participación no proxecto educativo "**III Torneo First® Lego® League (FLL)**".



2º.- Facilitar os medios precisos para a inserción da súa imaxe institucional nos ámbitos de promoción da Entidade mercantil (revista, folletos, web, redes sociais, etc).

3º.- Conceder á entidade mercantil **Fomento de Centros de Enseñanza S.A** (Colexio Montecastelo) unha subvención por importe de 1.500,00€ con cargo á aplicación orzamentaria 912.0.489.00.04, "Outras subvencións " mediante transferencia bancaria á Conta Corrente facilitada pola entidade e previa fiscalización da intervención do Concello de Vigo, do orzamento en vigor, co obxecto de coadxuvar á financiación da actividade social "**III Torneo First® Lego® League (FLL)**" a executar no ano 2016.

O aboamento da subvención á entidade mercantil **Fomento de Centros de Enseñanza S.A** (Colexio Montecastelo) realizarase contra a presentación da memoria xustificativa e de avaliación do programa realizado no ano 2016, acompañadas dos xustificantes dos pagos realizados, con data límite do día 20 de decembro de 2016, con desglose de cada un dos gastos incurridos.

4º.- Comunicar á Base de Datos Nacional de Subvencións información detallada da subvención (obxecto ou finalidade da mesma, identificación dos beneficiarios, importe das subvención, resolución no seu caso de reintegro e sancións no seu caso impostas), sistema nacional de publicidade das subvencións, en aplicación dos principios recollidos na Lei 19/2013, de transparencia, acceso á información pública e bo goberno, sen prexuízo da súa publicación segundo disposto no artigo 8 da citada Lei.

Terceiro.- Esta subvención non será compatible con calquera outra subvención ou axuda para a mesma finalidade procedente de calquera Administración ou de entes públicos ou privados, nacionais, da Unión Europea ou de organismos internacionais.

A beneficiaria deberá comunicar ao Concello de Vigo a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.



En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Cuarto.- Se o custe total da actividade subvencionada resultase ser menor que o contemplado para a concesión da subvención ou se reduciran na execución da actividade subvencionada as actuacións ou elementos previstos como integrantes da mesma, procederá á redución da subvención na mesma proporción.

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

Quinto.- A beneficiaria non poderá subcontratar con terceiros a actividade subvencionada

Sexto.- A beneficiaria debe dar a adecuada publicidade á financiación municipal da actividade subvencionada mediante a inclusión da imaxe institucional do Concello de Vigo en todas as actuacións publicitarias e de difusión que se realicen nas actividades da beneficiaria, debendo aparecer nestas co seu logotipo ou anagrama en calidade de colaborador de todas as actividades realizadas por esta Asociación ano 2016.

**A entidade mercantil Fomento de Centros de Enseñanza S.A** achegará probas deste material para conformidade do Concello de Vigo e o do seu logotipo.

Sétimo.- A beneficiaria, con data límite do día 20 de decembro de 2016, deberá xustificar o cumprimento da finalidade para a que se concedeu a subvención e a aplicación dos fondos recibidos. A xustificación deberá facerse con documentos orixinais ( que deberán recoller o número de CIF, a data, o número de factura e o IVE) pola parte subvencionada e con copias de facturas polo resto do orzamento. Se poderá substituír a presentación de



copias de facturas polo gasto do proxecto ou actividade non subvencionada pola presentación dun balance que abarque a totalidade do gasto ou por unha certificación na que se acredite que o programa ou actividade que foi obxecto da subvención foi executado na súa totalidade e o seu custo total foi de ..... euros. Estes xustificantes quedarán a disposición do Concello de Vigo, neste sentido non se admitirán facturas fotocopiadas ou compulsadas nin aquelas que non reúnan as condicións previstas no RD 1619/2012 de 30 de novembro, polo que se regula o deber de expedir e entregar facturas que incumbe a empresarios e profesionais. Nestas facturas computarase o gasto acreditado, deducindo o IVE, salvo que xustifique que estea exenta de IVE, os xustificantes corresponderán ós gastos relacionados directamente ó obxecto do presente convenio.

A documentación da conta xustificativa deberá incluír unha relación de tódolos xustificantes de pago dos gastos incorridos polo importe da subvención.

Se a beneficiaria solicitara a devolución do orixinal presentado, a área xestora da subvención procederá ao estampillado da factura orixinal, indicando no estampillado o motivo da subvención e si o importe do xustificante impútase total ou parcialmente á subvención recibida; indicándose neste caso o importe exacto que resulte afectado pola subvención.

A copia do xustificante orixinal estampillado se incorporará ao expediente e a área xestora da subvención procederá á devolución do orixinal.

Oitavo.- Antes de proceder ao pago da subvención a beneficiaria deberá acreditar estar ó corrente no pagamento das súas obrigas fiscais e para coa seguridade social e non ser debedor por resolución de procedencia de reintegro, o que poderá realizar por medio dunha declaración responsable, ao abeiro ó Art.31.7.e da Lei 9/2007 de Subvencións de Galicia.





Noveno.- Serán gastos subvencionables os que de xeito indubitado respondan á natureza da actividade subvencionada e se realicen no ano 2016.

Tal como establece o art. 29.7 da Lei 9/2007, de 13 de xuño de subvencións de Galicia, serán gastos subvencionables, ademáis, os “gastos financeiros” da entidade directamente relacionados coa actividade subvencionada e resulten indispensables, establecéndose un límite dos gastos financeiros subvencionables ata un 1% do importe do convenio.

A beneficiaria deberá solicitar 3 ofertas cando o gasto exceda de 50.000 € por execución de obra ou 18.000 € no caso de subministros ou servizos, salvo que non exista mercado para as ditas contratacións.

Décimo.- A axeitada xustificación, a realización da actividade e o cumprimento da finalidade que determinou a concesión da subvención será comprobada polos servizos da Alcaldía, que emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumprida ou defectuosamente cumprida a actividade subvencionada.

Décimo primeiro.- A beneficiaria deberá facilitar toda a información que lle sexa requirida pola Alcaldía e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.


Décimo segundo.- Procederá o reintegro das cantidades percibidas e a esixencia de xuros de demora desde o pagamento da subvención ata a data na que se acorde a procedencia do reintegro nos casos dos artigos 37 LXS e 33 LSG.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto que non implique verdadeiro incumprimento do obxectivo da subvención, procederá o reintegro da subvención na mesma proporción.

En todo caso procederá o reintegro do exceso da subvención sobre o custo da actividade subvencionada.


Décimo terceiro.- Canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e no RD 1398/1993, de 4 de agosto, polo que se aprobou o Regulamento do Procedemento para o exercizo da potestade sancionadora.

Décimo cuarto.- Os datos persoais da solicitante e o do seu representante serán incorporados aos ficheiros municipais. A finalidade da súa recollida é a instrución do procedemento para a concesión da subvención, obxecto deste convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia e demais normativa de aplicación, en orden á conclusión do proceso subvencional, por lo que a súa achega é obrigatoria.



Ditos datos serán tratados e protexidos de acordo co previsto na Lei 39/2015, de 1 de outubro, do Procedemento Administrativo Común das administracións públicas , e na Lei Orgánica 15/1999, de 13 de decembro, de Protección de Datos de Carácter Persoal e Real Decreto 1720/2007, de desenvolvemento da LOPD, sendo responsable do seu tratamento o Concello de Vigo, como administración concedente da subvención.

En todo caso, o Concello de Vigo non aplicará ou utilizará con outra finalidade os datos, nin tampouco os comunicará en ningún caso a outras persoas ou entidades, salvo excepcións legais o por mandato do titular da información.



8





O Concello de Vigo comprométese a cumprir e facer cumprir o deber de secreto profesional y de confidencialidade que abarcará calquera información ou dato que puidese coñecer, con ocasión da xestión desta subvención, en especial aos de carácter persoal, de acordo co establecido no artigo 10 de la Lei Orgánica de Protección de Datos de Carácter Persoal.

A beneficiaria e, no seu caso, os seus representantes, poderán exercer os dereitos de acceso, rectificación, cancelación e oposición ante o Concello de Vigo, nos términos previstos na citada Lei 15/1999.

Décimo quinto.- A concesión da subvención obxecto do presente convenio rexerase pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

E, en proba da súa conformidade, firman o presente convenio, por triplicado exemplar, en Vigo, 19 de decembro de 2016.

Polo Concello de Vigo  
O Alcalde

Abel Caballero Álvarez

Polo Colexio Montecastelo  
O representante legal

José Manuel Rodríguez Lago

X